

«Қазақстан Республикасының кейбір заңнамалық актілеріне рұқсат беру құжаттарын қысқарту және рұқсат беру рәсімдерін оңайлату мәселелері бойынша өзгерістер мен толықтырулар енгізу туралы» заң жобасы бойынша
ҚР Ұлттық экономика вице-министрі Т.Жақсылықовтің сөз сөйлеуі

Құрметті депутаттар!

Мемлекет басшысының Қазақстан Республикасы Парламентінің бесінші шақырылымында 2014 жылғы 2 қыркүйектегі төртінші сессиясының ашылуында берген тапсырмасын орындау мақсатында «Қазақстан Республикасының кейбір заңнамалық актілеріне рұқсат беру құжаттарын қысқарту және рұқсат беру рәсімдерін оңайлату мәселелері бойынша өзгерістер мен толықтырулар енгізу туралы» заң жобасы әзірленген.

Аталған тапсырма шеңберінде 2015 жылдың ішінде рұқсат беру құжаттарының санын 50%-ға қысқарту қажет.

2011-2012 жылдар аралығында әрқайсысы рұқсаттардың 30%-ға қысқаруын ескерген тиісінше заңдарды (2011 жылғы 15 шілдедегі және 2012 жылғы 10 шілдедегі) қабылдай отырып рұқсат беру құжаттарын (рәсімдерін) оңтайландырудың екі реттік кезеңі жүргізілген.

Рұқсаттар санының үнемі артуы және оларды қысқарту бойынша қабылданып жатқан іс-шараларға қарамастан, сондай-ақ есепке алудың бақылаусыздығы және жүйелеу жұмыстарының болмауы салдарынан 2014 жылғы мамырда «Рұқсаттар және хабарламалар туралы» Заң қабылданды.

Аталған Заңмен рұқсаттар және хабарламалардың соңғы тізбесі бекітілген.

Заң жобасы аталған Заңмен бекітілген рұқсат беру құжаттарын қысқартуға және рұқсат беру рәсімдерін жеңілдетуге бағытталған.

Заң жобасының негізгі мақсаты:

- қайталанатын және артық рұқсат беру құжаттарын алып тастау;
- рұқсаттарды хабарлама тәртібіне ауыстыру;
- рұқсат беру рәсімдерін оңтайландыру арқылы бизнеске әкімшілік қысымды азайту болып табылады.

Заңмен ескерілген рұқсаттардың жалпы саны **481-ді** құрайды, оның ішінде, қауіпті қызмет түрлеріне 52 рұқсат, Қазақстан Республикасының халықаралық міндеттері шеңберінде 41 регламенттелетін қызмет түрі және **227 лицензияланатын қызмет** түрлері.

Ұлттық экономика министрлігімен құрамына Ұлттық кәсіпкерлер палатасының және бизнес-қоғамдастық өкілдері кіретін рұқсат беру құжаттарын (рәсімдерін) түгендеу жөніндегі сараптама тобымен бірге «Рұқсаттар мен хабарламалар туралы» Қазақстан Республикасының Заңымен ескерілген рұқсат беру жүйесіне түгендеу жүргізілді.

Анықтамалық: Сараптама тобының құрамы ҚР Үкіметінің жанындағы Кәсіпкерлік қызметті реттеу бойынша ведомствоаралық комиссиямен бекітілген.

Тиімді әрі ойластырылған нәтижеге қол жеткізу үшін қайталанатын және артық рұқсаттарды алып тастау, рұқсаттарды хабарлама тәртібіне ауыстыру, оларды алуда талаптарды қайта қарау сияқты тұжырымдамалық тәсілдер пайдаланған.

Мысалы, бұрын көлік құралдарында жарнама орналастыру тиісті рұқсат беру құжатын алуды талап ететін болса, заң жобасын қабылдағаннан кейін оны алу қажеттілігі болмайды.

Рұқсат беру рәсімдерін хабарлама тәртібіне ауыстыру мысалы ретінде жеке кәсіпкерді тіркеу есебіне қою үшін рұқсат беру рәсімін алуға болады.

Өз кезегінде рұқсаттың аталған түрін алу қажетті құжаттар пакетін жинаумен, оны нотариаттық растаумен, бюджетке мемлекеттік алымды төлеумен, сондай-ақ рұқсатты алу үшін белгілі бір уақыт күтумен байланысты болған.

Хабарлама тәртібін енгізгеннен кейін кәсіпкерге қызмет басталғанға дейін мемлекеттік органға қажетті ақпаратты көрсете отырып хабарлама жіберген жеткілікті болады.

Бұл ретте кәсіпкер хабарлама бергеннен кейін қызметін бастауға құқылы.

Заң жобасымен рұқсат беру рәсімдерін оңтайландыру және жеңілдету ескерілген.

Мысалы, бұл жағдайда заң жобасымен бағалы қағаздар нарығында қызметті жүзеге асыруға лицензия беру бойынша рұқсат беру рәсімі шеңберінде беру арқылы клиринг қызметін жүзеге асыру қағидаларын келісу бойынша рұқсат беру рәсімін оңтайландыру ұсынылады.

Аталған әдіс «бір терезе» принципі бойынша жұмыс істейді – кәсіпкер реттеуші мемлекеттік органға рұқсат беру құжатының негізгі түрін беру үшін барлық қажетті ілеспе келісімдерді алу жүктелетін негізгі рұқсат беру құжатын алу мақсатында жүгінеді.

Рұқсат беру құжаттарының үлкен бөлігінің қысқарту бойынша жұмысты Энергетика, Мәдениет және спорт, Ауыл шаруашылығы, Ұлттық экономика министрліктерімен өткізілгендерін атап өту қажет.

Заң жобасымен рұқсат беру құжаттарын қысқарту, сондай-ақ бірқатар рұқсат беру құжатының бюджетке мемлекеттік алым төлеуді ескеретін болсақ, салалық заңдар ережелеріне тиісті түзетулер енгізілген.

Осылайша, 7 Кодекске және 30 Қазақстан Республикасының Заңына өзгерістер мен толықтырулар енгізіледі.

Анықтамалық: Жер, Салық кодекстері; «Халық денсаулығы және денсаулық сақтау жүйесі туралы» ҚР Кодексі; «Нотариат туралы», «Темір жол көлігі туралы», «Жол жүрісі туралы», «Қазақстан Республикасының ішкі істер органдары туралы», «Рұқсаттар және хабарламалар туралы» ҚР Заңдары және т.б.

Заң жобасын қабылдау бизнеске қысымды азайтады, әкімшілік кедергілер санын қысқартады және мемлекеттік органдарға артық функциялардан құтылуға мүмкіндік береді, сондай-ақ кәсіпкерлікті дамыту үшін барынша қолайлы жағдай жасайды деп пайымдаймыз.

Назарларыңызға рахмет!